

MICHELE DE MARCO (CIARDULLO)

L'ORU... MIO

Caru Peppinu mio, la cartellina
chi m'ha mannatu, l'hau ricevuta!...
Mi l'hau purtata propriu stamatina...
Bella, Peppinu mio, bonavenuta!...

Io chi guardu la posta sc-cantatzu,
pecchi' cce truovu sempre nna bussata,
hau lettu tri vote lu nderizzu
tantu paria nna cosa scumbinata!...

Mbece era veru... Penza mo cchi facce
curiusa hau fattu!... Oh, si vidie...
Io alle scarpe nun tiegnu mancu tacce,
e tu cerchi oru e te rivuorgi a mie...

Chi vo essere santu e benedittu!...
Chi vo essere principe e fatatu!...
Macari Dio, Peppi', ca ppe derittu
tinne dera nnu mulu caricatu...

Tulu sai bendica cchi furure,
cchi bona vulunta', tte benerica!...
Ma io nun nne canusciu lu culure,
o miegliu sacciu ca cussi' e' la spica!...
Cummani l'arma? Ti la dugnu tutta,
ma ppe lu riestu para nnu distinu:
si tu pigli e me vuoti capusutta,
mancu cada nnu sordu papalinu!...

Ca tu li circhi a mie su chiacchiarelle,
e lu sapiti e nu nce vuoi scuse!...
Bussa, bussati a certe cascittle,
chi fau parole, e riestu sempre chiuse...

A certe cascittle nove aggiunte,
chi mo su chine propriu nzippellate...
Chille ti l'hau de dare a junte a junte
senza sgrizzare, franche, sbriscerate...

De quannu u munnu e' munnu, santu Dio,
sucu de petra nun inchiu rugagnu...
Quannu si piombu, fratisciellu mio,
n'aie voglia ca bussa lu cumpagnu...

E chiudu, e circu scusa...
Tu lu sai ca signu nterra e nun m'aiuta nullu!...
Vulisse viersi?... Tinne dugnu e assai...
ma nun le vo' la banca!... Addio: